



# Go thuša Rakgolo go fola



**Siboniso Clifford Mashabane**





Ke nako ya difihlolo. Ba lapa kamoka ba  
dutše tafoleng. Ba letetše rakgolo.

Aowi, rakgolo o a thelela, a wa! Letsogo la  
gagwe le gobetše kudu.



Rakgolo o sepetlele. Dingaka di lekile go boetša marapo a rakgolo sekeng.

“O tla swanelwa ke go dula mo sepetlele matšatši a se makae rakgolo.” Gwa realo ngaka.

Rakgolo o tšofetše, go tlo mo tšea nako gore a fole.







Ka Mošupologo, koko le Mabule ba fihla  
sepetlele ba bea thapelo.

“Dithapelo tša rena di tla thuša gore o fole.”

“Ke a leboga,” rakgolo a realo.



Ka Labobedi, Fana le Mma ba tlišetša  
rakgolo diapola le dipanana.

“Dienywa di tla go thuša gore o fole.”

“Ke a leboga,” rkgolo a realo.









Ka Laboraro, Mabule le tate ba tlišetša  
rakgolo puku ya go bala.

“Go bala go tla go thuša gore o fole.”

“Ke a leboga,” rkgolo a realo.



Ka Labone, Fana le malome Malose ba  
tlišetša rakgolo seyalemoya.

“Go theeletša seyalemoya go tla go thuša  
gore o fole.”

“Ke a leboga,” rakgolo a realo.







Ka Labohlano, ngaka a hlahloba letsogo la rakgolo.

“Letsogo la gago le fola ga botse rakgolo. O ka ya gae. E fela, o bowe ka Mošupologo, ke tle ke hlahlobe letsogo le gape.” Gwa bolela ngaka.



Rakgolo o letetše go ya gae. Fana le tate ba tllile sepetlele go tšea rakgolo.

“Rakgolo, kamoka kua gae ba thabetše gore o bowa gae!” Gwa bolela Fana.









Kua gae, Mabule, mma, koko le malome  
Malose ba itokišetša go amogela rakgolo.

Koko o pakile khekhe. Malome Malose o  
beša nama.

Mma o bea dipoleiti tafoleng.

Mabule o butšwetša dipalune.



Rakgolo o boile! Rakgolo o boile!

Ka moka ba thabile.

“Ke a leboga, ba lapa la ka”

Rakgolo a realo. “Lerato la lena le nthušitše gore ke fole.”